

沈乃文 主編

明別集叢刊 第一輯

第三十九冊

黃山書社



沈乃文 主編

明別集叢刊 第一輯

第三十九冊

黃山書社



(明)馬愉撰

馬學士文集八卷

明嘉靖四十一年遲鳳翔刻本

馬學士澹軒文集序

君子所以有譽於今後者亦曰言之是託夫言之精者為文文豈易言哉弗遇其時弗文也弗充其氣弗文也弗正其學弗文也粵自造書契以來世有升降而文與之俱宋不唐唐不漢漢不春秋戰國春秋戰國不三代黃虞如老者不可

馬學士文集八

六

復少勢不得不然也况文以氣為主所養者正則英華之發見替亦正苟失所養不易則艱不隱則恠不晦則誕不俚則誇其弊至於不可言者乃若好學之君子者出遭世隆卑養氣正大又通念乎群經蒐獵百子浸淫乎諸史蘊於其心發為文章泐為一代之文

所以有譽於今後者職斯而已

魯之東有大海西有岱山士生于茲若聖若賢若君子昭然可數百年以前不可尚已百年以後其前三者而一之臨胸馬先生性和其人焉先生生于海岱之間上無師傳獨能奮志于學日取群經百諸史訖訖然窮之不釋且氣稟

馬學士文集

六

淳正無間識不識皆稱曰君子為文肖其為人無所謂艱易恠隱晦誕誇俚之習積愈深而發益宏不數載間大魁天下方是時為宣廟紹統之初詔禮部科舉歲取百人南士什六北士什四合南北士試之先生獨占魁焉此蓋隆平之時文明之化人材之出駸駸唐

虞三代不春秋戰國不漢不唐不
宋也嗣是長史苟長翰苑登內
閣晉位少宗伯參預機密潤色治
道與脩 宣廟實錄五倫君鑒諸
書蔚然館閣鴻儒平居為詩賦為
記序為誌說為雜著用字著語皆
有程度典雅新邃一歸於正惜乎
中道謝世藁之散落今間不獲觀

馬學士文集

序

三

其全焉吾藩大叅邢君居正巡臨
臨胸即其家索其藁僅得是乃屬
青州太守劉君時勉校讎鋟梓以
廣其傳噫先生之文雖未全其所
遇之時所養之氣所學之富皆可
即此而邈知也彼千江之波其水
同原千枝之秀其木同本即一波
一葉亦可以求水木之本原然則

先生之文豈不可即此而逆其全
耶傳曰誦其詩讀其書不知其人
可乎後之欲景範先生者宜必有
徵於斯若夫賢大叅太守壽斯集
於不朽其用心之仁又不可不知
成化庚子歲仲秋穀旦 資政大
夫 太子少保戶部尚書兼 文
淵閣大學士知 制誥 經筵官

馬學士文集

序

四

兼修 國史 玉牒青齊劉瑯書

澹軒歷受

誥詞錄冠于首

皇帝勅諭太子太保英國公張輔少

傅兵部尚書兼華蓋殿大學士

楊士奇少傅工部尚書兼謹身

殿大學士楊榮禮部尚書兼翰

林院學士楊溥等朕祇奉天

命嗣承 祖宗大寶統御天下

馬學士文集

勅諭

五

用主神人而卽位以來弗遑夙

夜永惟厥道必學乃明今以初

九日御經筵命爾輔知經筵事

士奇榮溥同知經筵事啓事府

少啓事兼翰林院侍讀學士王

直少啓事兼翰林院侍讀學士

王英翰林院侍讀學士李時勉

錢習禮侍講學士陳循侍讀苗

衷侍講高穀脩撰馬愉曹魯兼

經筵官溥衷穀愉魯專侍講讀

翰林春坊等衙門儒臣分直侍

講夫道原於天堯舜禹湯文武

以隆政教而周公孔子闡明之

我 祖宗世所師法以安天下

卿等宜端心竭誠相與講論務

歸至當毋隱而弗彰毋曲以徇

馬學士文集

勅諭

六

好庶幾明之於心誠之於行以

興治化以濟蒼生用不忝天

與 祖宗之命欽哉故諭

正統元年三月初二日

奉

天承運

皇帝制曰朕惟翰林學士之職朝夕左右以備顧問典詞命非內外百職可比故必簡學博履正之士居之庶稱厥官爾行在翰林院侍講學士馬愉擢自高科志行端慤歷事 皇考式勤祗慎

馬學士文集

初諭

七

侍朕經幄益展乃誠逮脩信史與有效勞爰進厥官俾貳其長瞻茲三載恭恪不渝特進爾階奉直大夫用示褒嘉夫文學施之朝廷者必推於先王之道乃為可貴苟不勉焉非朕所望於賢人君子也加懋厥脩用永終譽欽哉

正統六年六月二十七日

奉

天承運

皇帝制曰講讀之臣所以考質疑義非專誦習而已館閣之職所以備資顧問非專辭命而已國家列官以館閣兼講讀往往寵以重秩固有自來而朕尤意嚮之

馬學士文集

初諭

八

盖信任之篤委託之重非其他可比也然非文學該洽操履淳正之士則不輕畀故禮部右侍郎兼翰林侍講學士馬愉早自賢科榮魁多士首擢官於史局再遷秩於經筵既公紀載之精亦勤講讀之久比叅機政益慎弗渝顧眷遇之方殷胡壽齡之

不副宜有顯賜以慰朕懷茲特
贈卿翰林院學士資善大夫禮
部尚書咨爾真靈光我寵數欽
哉

正統十二年十月十四日

皇帝遣禮部尚書胡濙賜祭禮部右
侍郎兼翰林侍讀學士馬愉曰
卿以先朝初科進士第一累

馬學士文集

勅諭

九

官翰苑兼侍經筵遷亞春卿榮
膺寵眷始終泣職二十餘年英
偉之才篤實之學恭勤端慎簡
在朕心顧倚毗之方殷胡疾疫
之遽及醫初承命哀訃來聞追
念相從實深傷悼特贈卿翰林
院學士資善大夫禮部尚書賜
以賻儀仍茲遣祭用表始終之

意卿靈不昧尚克歆承

正統十二年

正統十二年歲次丁卯十二月

戊午朔越初三日庚申

皇帝遣山東布政司左叅議黎璉賜
祭禮部右侍郎兼翰林院侍講
學士馬愉曰卿以文學侍從之
臣權居館閣講論撰述克效勤

馬學士文集

勅諭

十

誠方重倚毗遽然長逝奄及窆
窆感悼益增特茲遣祭用答賢
勞卿靈有知尚其歆饗

奉

天承運

皇帝勅曰國家簡文學之士列職於翰林而脩謬編脩檢討則謂之史官所以備紀載之公而傳信於天下後世也茲惟遴選不輕畀人爾行在翰林院脩謬馬愉發身賢科擢魁廷選逮任史職

馬學士文集

勅命

一

勳慎有年茲特授爾階為儒林副勳之勅命以示褒嘉古之論良史者蓋曰明足以周萬事之理道足以適天下之用智足以通難知之意文足以發難顯之情然後其任可得而稱非徒優游以養榮名而已尚益懋懋光我訓詞欽哉

宣德五年八月二十四日

馬學士文集

勅命

二

贈翰林學士資善大夫禮部尚書馬
公行狀

公諱愉字性和號澹軒其先系出扶
風宋時諱近者爲青州教授遂家臨
朐高祖諱慶曾祖諱天驪祖諱景信
世業儒皆有隱德不仕父士賢以公
貴封翰林脩撰再封翰林侍講學士
階奉直大夫淳德懿行鄉稱古人長

馬學士文集

行狀

十一

者母劉氏繼魏氏皆贈宜人張氏封
宜人公生四歲知讀書能屬對聲律
出口不思動有奇語祖父異而鍾愛
之撫其頂曰兒他日當大吾門八歲
母卒哭踊如成人三日勺飲不入口
朝夕哀慕遂致瘠毀終喪久之始愈
魏繼育公甚有恩義喪之亦然稍長
補邑庠弟子員潛心篤學殆忘食寢

處朋輩無狎言戲行師友咸器重之
部使者涖學以考諸生得公之文驚
曰奇才勉之必魁天下勿自足也以
禮經中永樂庚子鄉薦第三赴會試
道遇疾而歸閉門讀書屏絕人事數
年無所不窺宣德丁未禮部中前選
廷試擢進士第一 賜朝服銀帶除
翰林脩撰今 上爲皇太子將御春

宮聽學欲選用臣屬 宣宗皇帝御
文淵閣召公等十餘人試諸葛孔明
可與興禮樂論公所作稱 旨賜寶
楮月給燈燭費使益進學蓋將爲輔
導計也 上嗣位正統元年同考禮
部會試簡拔精允既而詔開經筵以
公兼 經筵官 賜白金寶楮綵幣
日以二帝三王周孔之道正心脩身

經綸之要講說 左右研極旨趣
 覆敷暢所以開導上心輔成 聖德
 者備至 上深嘉納時 賜金帶及
 時服食物充厚以秩滿陞侍讀三年
 纂脩 宣廟實錄成陞翰林侍講學
 士賜金幣如故事五年奉 旨入文
 淵閣預聞機務十年主考禮部貢士
 未幾拜禮部右侍郎兼侍講學士公
 馬學士文集 行狀 五十三

貝賜鈔二千錠及棺斂遣禮部尚書
 胡濙致祭特贈翰林學士資善大夫
 禮部尚書歸其喪命有司為營宅兆
 公卿士大夫吊者相屬莫不隕涕痛
 惜焉公為人端重簡默和厚謙慎喜
 愠不見人莫窺其際與人無貴賤少
 長言如恐傷之尤樂道人善未嘗及
 人之過性至孝事繼母曲盡誠意得
 其權心厥父學士先生惟公一子欲
 迎就養以年高不可乃蓋推其俸給
 於鄉以養親甘旨豐備每有 內賜
 嘉味必推使附之先生在家遘疾公
 忽心動徬徨不寐翼日即以情乞歸
 視 上允之命馳驛往加 賜道里
 費公至先生感激喜甚疾愈未決旬
 謂公曰荷 聖天子寵恩吾幸復生

汝宜速還竭忠圖報毋以我為念也

公篤於為義不事厚蓄所得祿賜遇

卿人居京師貧者周之寒且饑者衣

食之死則棺歛之無吝色為文章敏

贍有法不務雕斲而渾厚馴雅自不

可及有文集若干卷藏於家配陳氏

封宜人有賢行與公合德子男二曰

徵曰徽女一人淑婉未行孫男一人

馬學士文集卷八

術狀

十五

石麟以是年 月 日葬于 鄉之

原寧忝公同年從公遊且厚知公平

生為詳故述其大節為行狀乞辭于

大人先生用垂不朽云

翰林侍講杜寧謹狀

贈學士禮部尚書馬公神道碑銘

天之生才固將為世用然亦關乎國

家之氣運焉人君懷治道經遠之慮

旁求賢才尊禮榮養以備任用是能

副天之意賢才充夫天之所以與我

者隨所任用以行其道是能副君之

意上焉者其道德法乎帝王勳業著

于社稷鏗鉤振耀流聞末世固非衆

馬學士文集卷八

碑銘

一六

人之易及其次學問足以闡明治理

文章足以勸黻鴻猷光明俊偉名著

一代若漢之董賈唐之韓陸宋之歐

蘇諸君子蓋本天之所生國家氣運

所關豈易得哉肆歷代賢明之君所

以汲汲焉簡拔儲養以膺國家之用

非徒爾也我朝 聖聖相承教化

浹洽賢才彬彬輩出其學問文章追

美夫古之君子盖有其人矣宣宗

皇帝即位初屢 詔中外博訪學文

才能之士用圖治理明年值龍飛第

一科 上曰自古制科以得人為盛

願得忠孝士足矣及試畢開卷首選

得臨胸馬愉制科北人占首選者自

公始 上甚悅授翰林脩撰且勉進

學以期後用今 上將御春宮 宣

馬學士文集六 碑銘 十七

宗皇帝欲選賢才備臣屬拔翰林官

及進士共三十一人比末樂初二十

八宿例績學秘閣恩禮有加公其首

也被 旨試諸葛孔明可與興禮樂

論公所作稱 旨賜以寶楮益勉進

學令 上嗣位之明年政元正統

翰林學士楊公溥等五人日

侍講讀公與之歲時屢 賜三品

帶二年以秩滿陞侍讀三年以 宣

廟實錄成 恩陞侍講學士五年預

聞機務於文淵閣十年遷禮部右侍

郎兼侍講學士十二年九月六日以

疾卒享年五十有三初得疾 上曰

賜藥遣醫視療既卒深加悼惜特准

師保例 賜賻萬緡及棺槨贈翰林

馬學士文集六 碑銘 十八

學士資善大夫禮部尚書自前文武

大臣贈官者率加其正職公始并兼

職加之盖出 特恩復遺禮部尚書

胡濙諭祭命有司歸喪營葬於鄉葬

畢其子入謝 詔為國子生公遭際

聖明恩禮隆厚存歿光榮何其如是

之盛也盖公端厚凝重謹畏勤恪其

侍 經筵惟以帝王仁義之道為陳

進退從容有古君子風其在秘閣凡
所論事務存寬厚不尚瑣細得大臣
體初少師楊公士奇展墓還言及所
歷郡縣預備倉皆發弛甚至垣址弗
存者民何所濟或曰茲廢已久比比
然其何能理公徐曰政之興廢在人
此養民之要豈可少緩耶少師公即
議以聞遣廷臣徧歷郡邑脩弊舉

馬學士文集

碑銘

二十九

廢民爭出粟實廩所在充足蒙其濟
者不可勝計郡縣疑獄被繫歲久不
決有註誤致死者少師公累以為言
曰古云死者不可復生感傷和氣率
由於此遂議以言詔遣中內法司
練達刑名者詳審之直其寬多所全
活夷寇鼠竊擾邊朝廷命率兵往
勦之會其別部四十餘徒來有請執

朝議僉同 上遣左右問於館
閣時獨公與予合辭對曰 朝廷以
賞善罰惡為治苟賞罰至公則人心
信服若因惡以執其善豈為治之道
左右辯問再三公終不易辭上從之
賞其獲遣回部屬感悅皆相率來謝
凡論言不輕先發俟人盡其所長審
其可否惟義是從故於事多所裨益

馬學士文集

碑銘

三十

率類此公與禮闈兩為考官克盡乃
心遣祭先聖孔子及凡陪祀必誠敬
兼至簡在上心推恩優待雖沒身
不衰性聰敏自四歲知讀書稍長出
語驚人 大父喜曰是兒必先大吾家
暨選補色庠生刻志苦學至忘寢食
師友咸器重之上官課試觀其所作
必以奇才稱之 永樂庚子以禮經

猶遠第三邁疾不獲會試因得肆力
問學遂膺首選既入翰林種學績文
日大以肆平居至孝八歲失恃執喪
如成人事繼母盡孝敬以父母春秋
高無他兄弟奉養請以所得俸給於
鄉以養親凡受 誥封贈推 恩及
親再繼母張氏累封宜人其初繼母
魏氏未得請公懇陳其情 特恩給

馬學士文集

碑銘

卷二

之父嘗得疾公心動即請于朝詔給
驛及道里費歸省既至父喜即愈人
咸以孝誠所感公自處愈若不逮襟
度閑雅於士大夫交謙恭和易有忤
之者亦不較鄉人往來者率以禮相
接畧不以勢位介意公平生實行裕
此其符忠孝之期宜矣使天假之以
年其所就庶幾追美古之君子惜乎

竟以中年而沒故自勳貴至公卿大
夫皆哀悼痛惜無已也公諱愉字性
和其先扶風人在宋有諱近者為青
州儒學教授因家臨朐曾祖天驃祖
景信皆業儒有隱德父士賢鄉稱善
人封翰林脩撰儒林郎再封翰林侍
講學士奉直大夫母劉氏累贈宜人
繼母魏氏張氏封贈如制皆自公推

馬學士文集

碑銘

卷二

恩也配陳氏有淑行封安人進封宜
人子男二人長即徵次徵女一淑婉
孫男一人石麟所著文章若干卷藏
于家特戶部侍郎蕪翰林學士陳公
嘗為誌以葬徵復奉其父執侍講杜
宗謚所為狀屬予文刻諸墓石予自
經筵館閣十五年于茲進退起居未
嘗一日相離正資麗澤之益而公遽